



PRESS SECRETARIAT

MINISTRY OF THE PRIME MINISTER & CABINET

Apia, Samoa

Telephone : (685) 63222 ext 746, 747, 748, (685) 24799, (685) 26397

Fax : (685) 26322 Email: presssecretariat@samoa.ws

Press Release

15 Setema 2008

1. Malaga Palemia i Saina

O loo i ai nei i Saina le Afioga i le Alii Palemia, Susuga Tuilaepa Sailele Malielegaoi, ma lana aumalaga e talivalaau i le valaau faaaloalo mai le Malo o Saina.

O lenei malaga o se malaga aloaia faavaomalo atoa ma le auai ai i le tapunia aloaia o Taaloga o le Para-Olympics i Beijing. E tele se sao o lenei malaga asiasi mo le gasologa manuia o le va faapaaga a Samoa ma Saina. E le gata i lea o se avanoa foi e talanoa ai taitai o Malo e lua mo mataupu taua e pei o le faatuina o le Ofisa Amepasa o Samoa i Saina, atoa ai ma isi atinae a Samoa e moomia ai le lagolago mai o Saina.

O loo malaga faatasi le Afioga i le Palemia ma Faipule e toalima o le Maota faapea ma le Faauluuluga o le Matagaluega o le Vaifafo ma Fefaatauaiga.

2. Faaaoga e le Matagaluega o Faamasinoga se Vaega o le Fale Mataaga

Ua finagalo le Kapeneta ina ia faamatuu atu le vaega o le Fale Mataaga lea sa faaaoga e le Matagaluega o Aoga, Taaloga ma Aganuu mo le Matagaluega o Faamasinoga.

O loo faaopoopo pea le faitau aofai o le aufaigaluega a le Matagaluega o Faamasinoga ina ia mafai ona tali atu i manaoga o le Faamasinoga. Ua avea lea tulaga ma mea ua moomia ai lava se laolao mo le aufaigaluega a o talia le maea fausia o le maota fou o le Matagaluega o loo i Mulinuu.

3. Konekarate Faatau mai o Tusi & Api mo Aoga a le Malo

Ua faamaonia e le Kapeneta le fautuaga a le Komiti o Tauofoga mo le tuuina atu o le Konekarate mo le faatauina mai o tusi ma api aoga mo aoga a le Malo i le Kamupani a le Croxley Stationery Ltd.

Sa faasalalauina le tauofoga e pei o faiga faavae, ma e lua ni kamupani sa tuuina atu a la ofo. I le maea ai o iloiloga a se soa-komiti, ua tulai mai ai le faaiuga i le tuuina atu o le konekarate i le Kamupani a le Croxley Stationery Ltd i le tau aofai e ST\$2,639,766.46 mo tusi ma api mo aoga a le Malo.

4. Lipoti Faatauina Fanua o le Malo i Aukilani

Ua faamaomia e le Kapeneta le lipoti i le faatauina o se fanua mo le Malo i Mangere i Aukilani, Niu Sila.

O le faamoemoe mo lenei fanua, ina ia fauina ai se ofisa, apitaga, maota o Samoa, ma se malae, ma ua i ai foi se fuafuaga mo le siitia mai o le ofisa o le Konesula o loo i Aukilani i lenei fanua.

Ona o tulaga manaomia e le Komiti Faafoe (Council) a Manukau ina ia vave tuuina atu i totonu o le 21 aso se conceptual plan faatasi ai ma le talosaga mo le faaaogaina o le fanua ina ia amata iloiloaina e le Council le talafeagai, o lea sa vave faaaoga ai loa le tautua a le Kamupani a MIG Consulting Ltd sa fautuaina mai e le Sales Agent a le Kamupani a Barfoot & Thompson ina ia vave ona faia lea suesuega ona ua tuuina mai e tagata e ona le fanua o Yong Hua Woo ma Ji Yoo Jeon le aso 28 Novema 2008 e totogiina ato ai le paleni o le fanua. I le taimi nei, o le tau o fanua ma fale i Aukilani o loo maualalo ona o le tulaga faaletonu o loo i ai ia le maketi, ma o se tau pito i maualalo lea mo se 4 eka ua maua mai i le nei taimi. E i ai le talitonuga e le o mamao a e toe sii nei tau.

I le taimi nei, o loo faapea ona faatali ia se lipoti ua taua o le LIM (land information memorandum report) faapea ma se due diligence report ona o lenei fanua sa faaaoga mo le totoina o fua o faaeleeleaga (market gardeing) ma e tataua ona saili maeaea ia le toxicity poo aafia le fanua mai ni vailaau sa faaaoga, ma pe manaomia ia nisi galuega mo le faaleleia o lenei fanua i lona tulaga sa i ai a e lei tauaveina ai nei ituaiga atinae. Ona o nei tulaga manaomia, e talosagaina ai le faamaonia e le Kapeneta o vaega nei ina ia solo lelei le faatinoga o lenei fanua.

- i. Faamaonia ia le faaaogaina o le tautua a le Kamupani a le MRT Consulting Ltd mo le faatinoga o galuega amata aua ia feutagaiga ma le Komiti Faatonu a Manukau,
- ii. O le tau o le tautua e tusa lea ma le NZ\$70,000 e totogiina i luga o faamatalaga e tuuina mai i le taimi faaalu faapea ma vaegatupe faaaogaina ona o galuega faatino (time and disbursement basis),
- iii. O le faaaogaina o le kamupani loia o Chapman Tripp pe a manaomia mo le faatinoina o nisi o galuega faatatau i le faamaeaina o tulaga faaletulafono e ono manaomia i le faatauina o se fanua e se malo tutoatasi,
- iv. O le faaaogaina o le vaegatupe e NZ\$1.6 miliona o le dividend a le Malo mai le PolyBlue e faatino ai nei fuafuaga.

E faaopoopo ia nei tulaga i vaega sa tuuina atu muamua mo le faamaoniga a le Kapeneta i le pepa o le Aso 18 Aukuso 2008 e faapea:

- i. O le faatauina o le fanua e 1.6017 hectares i Mangere,
- ii. O le faatauina o le fanua i le tau e NZ\$2.0 miliona ma le GST,
- iii. O le totogiina o se deposit e NZ\$300,000 i le Kamupani a Barfoot & Thompson sei maea uma suesuega i le fanua (due diligence) a e lei faamaeaina le faatauina o lenei fanua,
- iv. O le faamaeaina o le faatauina o lenei fanua e le Failautusi o Tupe ma le Loia Sili,
- v. Ia amata loa sauniuniga uma e pei o survey plans, ata o nofoaga mo se fale ma ofisa o le Konesula,
- vi. O vaegatupe uma e manaomia e faaaluina ia faatupeina ia vaegatupe mo le tau o le fanua ma fuafuaga (plans) i lalo o Tupe e lei Fuafuaina, a e o le faatupega o isi galuega o le a taatia mai e fai i ai se iloiloga e tusa ai ma le faaaogaina/ faatauina o le Maota o Samoa e le SNPF e fesoasoani mai ai i le faatupega o nei galuega tetele, poo le Tala o le Tupe a le Malo i le tausaga a sau. O lenei mataupu e toe Iloilo e le Kapeneta pe a maea ona suesue maeaea e le Ofisa o Tupe; o i latou foi lea o loo vaaia lenei aseta a le Malo.
- vii. Faamaonia ia le faaaogaina o le tautua a le Kamupani a le MRT Consulting mo le faatinoga o galuega amata aua ia feutagaiga ma le Komiti Faatonu a Manukau,
- viii. O le tau o le tautua e tusa lea ma le NZ\$70,000 e totogiina i luga o faamatalaga e tuuina ma i le taimi faaalu faapea ma vaegatupe faaaogaina ona o galuega faatino (time and disbursement basis),
- ix. O le faaaogaina o le kamupani loia o Chapman Tripp pe a manaomia mo le faatinoga o nisi o galuega faatatau i le faamaeaina o tulaga faaletulafono e ono manaomia i le faatauina o se fanua e se malo tutoatasi.

Government Press Secretariat.